

# Ysgol y Dderwen



**Polisi Addysg Cydberthynas a Rhywioldeb**

**Rydym wedi ymrwymo i sicrhau y bydd ein cwricwlwm Addysg Cydberthynas a Rhywioldeb yn briodol i ddysgwyr, gan ystyried ystod o ffactorau gan gynnwys oedran y disgyblion ; gwybodaeth ac aeddfedrwydd; unrhyw anghenion dysgu ychwanegol a rhagweld eu datblygiad ffisiolegol ac emosiynol. Bydd yr addysg hon yn Ysgol y Dderwen yn ddatblygiadol briodol ar gyfer pob dysgwr.**

Mae'r rhaglen Addysg Cydberthynas a Rhywioldeb yn Ysgol y Dderwen wedi'i chynllunio ar y cyd â'r Cod Addysg Cydberthynas a Rhywioldeb. Mae'r Cod hwn yn cynnwys gofynion gorfodol, a nodir yn y crynodeb o'r ddeddfwriaeth o ganllawiau fframwaith Cwricwlwm i Gymru. Mae hyn yn golygu bod pob dysgwr yn derbyn yr addysg hon, ac nid oes hawl i rieni/ gofalwyr dynnu eu plant allan o Addysg Cydberthynas a Rhywioldeb.

Nod Addysg Cydberthynas a Rhywioldeb yw rhoi'r wybodaeth sydd ei hangen ar bobl ifanc i'w helpu i ddatblygu. Mae'r cynnwys ar gyfer Addysg Cydberthynas a Rhywioldeb wedi'i osod yng nghyd-destun llinynnau dysgu eang a rhyng-gysylltiedig, sef:

- perthnasoedd a hunaniaeth
- iechyd a lles rhywiol
- grymuso, diogelwch a pharch.

Y nod yw cynorthwyo disgyblion i feithrin y sgiliau a'r wybodaeth sy'n briodol i'w hoedran, eu dealltwriaeth a'u datblygiad a'u galluogi i wneud penderfyniadau cyfrifol am eu perthnasoedd, eu hemosiynau, eu hiechyd rhywiol a'u lles nhw eu hunain ac eraill.

Mae cwricwlwm Ysgol y Dderwen yn cael ei ddylunio, ei ddatblygu a'i deilwra i'n disgyblion, ac rydym wedi ymrwymo i wneud cysylltiadau a datblygu cyd-destunau dilys ar gyfer dysgu ar draws y cwricwlwm.

Mae ein cwricwlwm yn ymdrin â'r themâu canlynol yn Addysg Cydberthynas a Rhywioldeb:

- perthnasoedd;
- hawliau a thegwch;
- rhyw a rhywioldeb;
- y corff a delwedd y corff;
- iechyd a lles rhywiol;
- trais, diogelwch a chefnogaeth.

Bydd y themâu hyn yn cael eu plethu i'r meysydd dysgu a byddant yn gynhwysol ac yn adlewyrchu amrywiaeth. Bydd yn cynnwys dysgu sy'n datblygu ymwybyddiaeth a dealltwriaeth dysgwyr o wahanol

hunaniaethau, safbwyntiau a gwerthoedd ac amrywiaeth o berthnasoedd, rhyw a rhywioldeb, gan gynnwys bywydau LGBT+.

## **Cynnwys sy'n briodol i ddatblygiad dysgwyr**

Rydym wedi ymrwymo i sicrhau y bydd ein cwricwlwm Addysg Cydberthynas a Rhywioldeb yn briodol i ddysgwyr, gan ystyried ystod o ffactorau gan gynnwys oedran y disgyblion ; gwybodaeth ac aeddfedrwydd; unrhyw anghenion dysgu ychwanegol a rhagweld eu datblygiad ffisiolegol ac emosiynol. Bydd Addysg Cydberthynas a Rhywioldeb yn briodol i bob disgybl, ac rydym yn cydnabod y gall anghenion dysgwyr o oeddrannau tebyg fod yn wahanol.

## **Perthnasoedd a hunaniaeth**

Mae'r llinyn hwn yn canolbwyntio ar:

- yr ystod o berthnasoedd sydd gan fodau dynol drwy gydol eu bywydau
- sut y gall hunaniaeth gael ei llunio gan ein perthnasoedd a'n rhywioldeb
- pwysigrwydd hawliau dynol o ran sicrhau perthnasoedd iach, diogel a boddhaus mewn cymdeithas gynhwysol.

Bydd disgyblion Ysgol y Dderwen yn datblygu'r ddealltwriaeth a'r ymddygiadau a fydd yn eu cefnogi i ddatblygu a chynnal perthnasoedd iach, diogel a chyflawn drwy gydol eu bywydau. Bydd disgyblion yn cael eu cefnogi i gydnabod a gwerthfawrogi gwahanol fathau o berthnasoedd, gan gynnwys teuluoedd a chyfeillgarwch, yn ogystal â'r amrywiaeth o fewn gwahanol fathau o berthnasoedd, gan gynnwys LGBT+.

Mae datblygu empathi, tosturi a sgiliau cyfathrebu yn hanfodol i berthnasoedd dysgwyr yn awr a'r berthynas y byddant yn ei ffurfio yn y dyfodol. Bydd hyn hefyd yn cefnogi parch, dealltwriaeth a thriniaeth deg i eraill, beth bynnag fo'u rhyw, rhywioldeb, ffydd neu gred.

Bydd disgyblion Ysgol y Dderwen yn datblygu eu hymdeimlad o hunan a'u hymdeimlad o bawb yn unigryw. Byddant yn archwilio sut y gall perthnasoedd, rhyw, atyniad rhamantus a rhywiol a phrofiadau personol lunio a llywio hunaniaeth ac unigoliaeth unigolyn. Bydd hyn yn cefnogi ein disgyblion i ddeall sut mae hunaniaeth, perthnasoedd a rhywioldeb yn cael eu llywio gan fioleg, technoleg a normau cymdeithasol, diwylliannol a chrefyddol ac y gall y rhain newid dros amser. Drwy ymgysylltu â'r agweddau hyn, bydd ein disgyblion yn cydnabod ymddygiadau a normau cadarnhaol a niweidiol ac yn meddu ar yr hyder i siarad drostynt eu hunain ac i siarad ac eirioli dros hawliau a pharch pobl eraill.

Mae'r llinyn hwn hefyd yn cydnabod sut y gall hawliau gefnogi a bod yn sail i berthnasoedd teg, parchus, yn ogystal â chymdeithas deg a chynhwysol.

### **Iechyd a lles rhywiol**

Mae'r llinyn hwn yn canolbwyntio ar:

- dysgu am sut mae pethau byw yn tyfu, atgynhyrchu a chael cylch bywyd
- datblygu dealltwriaeth o'r corff dynol, gan gynnwys teimladau pobl am eu cyrff a sut y gellir cynrychioli'r rhain
- y materion iechyd sy'n gysylltiedig â pherthnasoedd a rhywioldeb
- dealltwriaeth o sut mae rhywioldeb ac iechyd rhywiol yn effeithio ar ein lles.

Mewn datblygiad cynnar, mae angen i ddysgwyr brofi cyd-destunau ar gyfer deall pwysigrwydd cynnal iechyd a lles personol, gan gynnwys hylendid, a sut mae'r rhain yn effeithio arnynt eu hunain ac eraill. Mae hyn yn mynd rhagddo i gymhwyso egwyddorion cyffredinol iechyd a hylendid o fewn iechyd rhywiol.

Wrth i ddisgyblion Ysgol y Dderwen ddatblygu, bydd addysgu a dysgu yn cynnwys ffocws ar archwilio sut mae newidiadau ffisegol gan gynnwys y mislif yn cael effaith ar les a pherthnasoedd gan sicrhau cynrychiolaeth o brofiadau a bywydau LGBT+.

Bydd y dysgu'n canolbwyntio ar gydnabod amrywiaeth y mathau o gorff dynol, sut mae canfyddiad a dealltwriaeth o'r corff dynol yn cael ei lunio gan gymdeithas, y gyfraith, gwyddoniaeth a thechnoleg ac effaith hyn ar lesiant.

### **Grymuso, diogelwch a pharch**

Mae'r llinyn hwn yn canolbwyntio ar:

- hawliau dysgwyr i ddiogelwch ac amddiffyn a rhyddid rhag niwed a gwahaniaethu
- sut a ble i geisio gwybodaeth, cymorth a chefnogaeth
- sut i gefnogi ac eirioli dros hawliau, triniaeth deg a pharch at bawb.

Rydym wedi ymrwymo i adeiladu ar ymddygiad a sgiliau cadarnhaol perthnasoedd iach. Byddwn yn cefnogi dysgwyr i ddatblygu empathi, caredigrwydd a thosturi tuag at ei gilydd a'u grymuso gyda'r hyder i fanteisio ar y cymorth sydd ar gael os ydynt yn pryderu am eu diogelwch eu hunain neu ddiogelwch pobl eraill.

Bydd disgyblion Ysgol y Dderwen yn cael eu cefnogi i ddeall newid a gwrthdaro a chynabod effaith y rhain ar berthnasoedd, a lle bo'n briodol yn ceisio cymorth a chefnogaeth. Byddant yn cael eu cefnogi i

ddeall bod arfer eu hawl i fod yn rhydd o bob math o wahaniaethu, trais, camdriniaeth ac esgeulustod yn cael ei alluogi gan oedolion dibynadwy ac all gefnogi eu diogelwch. Mae hyn yn cynnwys drwy nifer o amddiffyniadau cyfreithiol sy'n bodoli i bawb. Mae cyfraith trosedd yn gwneud ymddygiadau o'r fath yn anghyfreithlon ac mae sancsiynau troseddol i'r rhai a geir yn euog o gyflawni troseddau o'r fath.

Bydd disgyblion Ysgol y Dderwen yn datblygu dealltwriaeth o natur gymdeithasol, emosiynol, corfforol a chyfreithiol ac effaith ymddygiad niweidiol, gan gynnwys yr holl fwlio, a bwlio ar sail LGBT+, trais rhywiol a thrais ar sail y rhywiau mewn ystod o gyddestunau, gan gynnwys ar-lein.